

第六二六冊

理學彙編

文學典

文學名家列傳

五
一
五
(卷)

古今圖書集成

中華書局影印



古今圖書集成

卷一百一十五

欽定古今圖書集成理學彙編文學典

第五十一卷目錄

文學名家列傳三十九

唐三

張薦

蘇味道

朱佐日

崔融

韋元旦

沈佺期

閻朝隱

劉憲

呂向

許景先

蘇頌

張均

劉子元

孫遜

文學名家列傳三十九

唐三

張薦

按唐書張薦傳薦字孝舉深州陸澤人祖薦字文成早慧絕倫爲兒時夢紫文大鳥五色成文止其庭大父曰吾聞五色赤文鳳也紫文鸞也若壯始以文章瑞朝廷乎遂命以名調露初登進士第考功員外郎薦味道見所對稱天下無雙授岐王府參軍八以



邢文偉

李嶠

徐彥伯

李適

劉允濟

宋之問

尹元凱

李邕

王翰

陸餘慶

張說

王翰

賀知章

賀知章

賀知章

賀知章

賀知章

賀知章

賀知章

賀知章

賀知章

賀知章

賀知章

制舉皆甲科再調長安尉遷鴻臚丞四參選判策爲銓府最員外郎員半千數爲公卿稱薦文辭猶青銅錢萬選萬中時號薦青錢學士證聖中天官侍郎劉奇以薦及司馬銓爲御史性躁干儻蕩無檢罕爲正人所遇姚崇尤惡之開元初御史李全交劾薦多口語訕短時政貶嶺南刑部尚書李日知訟斥太重得內徙薦屬文下筆輒成浮豔少理致其論著率詆諆蕪猥然大行一時晚進莫不傳記武后時中人馬仙童陷默啜問文成在否答曰近自御史貶官曰國有此人不不用無能爲也新羅日本使至必出金寶購其文終司門員外郎

按大唐新語張文成以詞學知名應下筆成章才高位下詞標文苑等三科俱登上第轉洛陽尉故有味燕詩其末章云變石身猶重銜泥力尚微從來赴甲第兩起一雙飛時人無不諷詠累遷司門員外文成凡七應舉四參選其判策皆登甲第科員半千謂人曰張子之文如青銅錢萬揀萬中未聞退時故人號青錢學士久視中太官令馬仙童陷默啜問張文成何在仙童曰自御史貶官默啜曰此人何不見用也後新羅日本使入朝咸使人就寫文章而去

邢文偉

與內人獨居何繇發揮天資使潘哲文明哉今史既闕官宰得奉職謹守禮經以聞太子答曰幼嗜墳典欲研精極意而未閑將衛耽耽致勞比苦風虛奉陛下恩旨不許強勉加以趨侍朝夕無自專之道屢闕坐朝乖廢學緒觀尋求請良符宿志自非義均弼諧渠能進此藥石文偉由是益知名後右史缺高宗謂侍臣曰文偉切諫吾見此直臣也遂授之武后時累遷鳳閣侍郎兼弘文館學士載初元年爲內史后御明堂詔文偉發孝經后問天與帝異稱云何文偉曰天帝一也制曰郊后稷以配天祀文王於明堂以配上帝奈何而一對曰先儒執論不同昊天及五方總六天帝后曰帝有六則天不同稱固矣文偉不得對后曰移風易俗莫善於樂伯牙鼓琴鍾期聽之知意在山水是人能移風易俗矣何取樂耶文偉曰聖人作樂平人心變風俗末世樂壞則爲人所移后喜賜帛宗素客以好賦抵罪文偉坐所善貶珍州刺史會它使者至文偉內悸自經死

蘇味道

按唐書本傳味道趙州樂城人九歲能屬辭與里人李嶠俱以文翰顯時號蘇李逮冠州舉進士中第累調咸陽尉吏部侍郎裴行儉才之會征突厥引管書記裴居道爲左金吾衛將軍情味道作章攬筆而具閑徹清密當時盛傳延載中以鳳閣舍人檢校侍郎同鳳閣鸞臺平章事歲餘爲眞證聖元年與張錫俱坐法繫司刑獄錫雖下吏氣象自如味道獨席地飯蔬爲危惴可憐者武后聞放錫嶺南纔降味道集州刺史召爲天官侍郎聖曆初復以鳳閣侍郎同鳳閣

鸞臺三品更葬其親有詔州縣治喪事味道因役庸過程遂侵毀鄉人墓田蕭至忠劾之貶坊州刺史遷益州大都督府長史張易之敗坐黨附貶眉州刺史復遷益州長史未就道卒年五十八贈冀州刺史味道練臺閣故事善占奏然其爲相特具位未嘗有所發明脂韋自營而已常謂人曰決事不欲明白誤則有悔模稜持兩端可也故世號模稜手性友愛其弟味元味元嘗請託不遂因慢折之味道怡然不屑所論著行於時

李嶠

按唐書本傳嶠字巨山趙州贊皇人早孤事母孝爲兒時夢人遺雙筆自是有文辭十五通五經薛元超稱之二十擢進士始調安定尉舉制策甲科遷長安時畿尉名文章者駱賓王劉光業嶠最少與等夷授監察御史高宗擊毬巖二州叛僚詔監其軍嶠入洞喻降之由是罷兵稍遷給事中會來俊臣構狄仁傑李嗣真裴宣禮等獄將抵死救嶠與大理少卿張德裕侍御史劉憲覆驗德裕等內知其冤不敢異嶠曰知其枉不申是謂見義不爲者卒與二人列其枉忤武后旨出爲潤州司馬久乃召爲鳳閣舍人文冊大號令多主爲之初置右御史臺察州縣吏善惡風俗得失嶠上疏曰禁網上疏法象宜簡簡則法易行而不繁雜疏則所羅廣而不苛碎伏見垂拱時諸道巡察使科條四十有四至別敕令又三十而使以三月出盡十一月奏事每道所察吏多者二千少亦千計要在品覈才行而褒貶之今期會迫促奔逐不暇欲望詳究所能不亦艱哉此非墮於職才有限力不逮

耳臣願量其功程以爲節制使器周於用力濟於時然後得失可以精覈矣又言今所察按準漢六條而推廣之則無不包矣烏在多張事目也且朝廷萬機非無事而機事之動常在四方故出使者冠蓋相望今已置使則外州之事悉得專之傳驛減矣請率十州置一御史以期歲爲之限容其身到屬縣過閭里督察姦詘采訪風俗然後可課其成功且御史出入天禁厲己自修比他吏相相也按劾回庸糾擿隱欺比他吏相十也陛下誠用臣言妙擇能者委之莫不盡力効死矣武后善之下制析天下爲二十道擇堪使者爲衆議沮止俄知天官侍郎事進麟臺少監同鳳閣鸞臺平章事遷鸞臺侍郎會張錫輔政嶠其出也罷爲成均祭酒俄檢校文昌左丞留守東都長安三年以本官復爲平章事知納言還內史嶠辭劇復爲成均祭酒平章事武后將建大像於白司馬坂嶠諫造像雖俾浮屠輸錢然非州縣承辦不能濟是名雖不稅而實稅之臣計天下編戶貧弱者衆有賣舍帖田供王役者令造像錢積十七萬緡若頽之窮人家給千錢則紆十七萬戶飢寒之苦德無窮矣不納張易之敗坐附會貶豫州刺史未行改通州數月以吏部侍郎召俄遷尚書神龍二年代韋安石爲中書令嶠在吏部時陰欲藉時望復宰相乃奏置員外官數千既更衆狃府庫虛耗乃上書歸咎於時因蓋向非曰元首之尊居有重門擊柝之衛出有清警戒道之禁所以備非常息異望誠不可易舉動慢防閑也陛下厭崇遽輕尊嚴微服潛遊閱廛過市行路私議朝廷驚懼如禍產意外縱不自惜奈宗廟蒼生何又

分職建官不可以濫傳曰官不必備惟其人自帝室中典以不慎爵賞爲惠冒級職階朝陞夕改正闕不給加以員外內則府庫爲殫外則黎庶蒙害非求賢助治之道也願愛憐班蔡息匪服之議今文武六十以上而天造含容皆矜恤之老病者已解還授員外者既遣復留恐非所以消散救時也請敕有司料其可用進不可用退又遠方夷人不堪治事國家向務撫納而官之非立功會長類廉俸祿願商度非要者一切放還又易稱何以守位曰仁何以聚人曰財今百姓之憂不安居處不可以守位倉儲蕩耗財力傾殫不足以聚人山東病水潦江左困輸轉國匱於上人窮於下如今邊場少疎恐逃亡遂多盜賊羣行何財召募何衆閑遏乎又崇作寺觀功費浩廣今山東歲饑糴糶不厭而投艱阨之會收庸調之半用吁嗟之物以榮土木恐怨結三靈誇蒙四海又比緣征戍巧詐百情破役隱身規脫租賦今道人私度者幾數十萬其中高戶多丁黠商大賈詭作臺符辱名僞度且國計軍防並仰丁口今丁皆出家兵悉入道征行租賦何以備之又重賂貴近補府若史移沒籍產以州縣甲等更爲下戶當道城鎮至無捉騷者役逮小弱即破其家願許十道使訪察括舉使姦猾不得而隱又太常樂戶已多復求訪散樂獨持鼓者已二萬員願量留之餘勒還籍以杜妄費中宗以其身宰相乃自陳失政句罷官無所嫁非手詔詰讓嶠惶恐復視事三年加修文館大學士封趙國公以特進同中書門下三品唐宗立罷政事下除懷州刺史致仕初中宗崩嶠嘗密請相王諸子不宜留京師及元宗

嗣位獲其表宮中或請誅之張說曰嶠誠情逆順然為當時謀吠非其主不可追罪天子亦顧數更赦遂免貶滁州別駕聽隨子虔州刺史暢之官改廬州別駕卒年七十嶠富才思有所屬綴人多傳諷武后時汜水獲瑞石嶠為御史上皇符一篇為世譏薄然其仕前與王勃楊盈川接中與崔融蘇味道齊名晚諸人沒而為文章宿老一時學者取法焉

按舊唐書本傳元宗踐祚宮內獲其表以示侍臣或請誅之中書令張說曰嶠雖不辨逆順然亦為當時之謀吠非其主不可追討其罪上從其言乃下制曰事君之節危而不變為臣則忠貳乃無赦特進趙國公李嶠往緣宗韋弑逆朕恭行戡定揖讓之際天命有歸嶠有窺覷不知逆順狀陳詭計朕親覽焉以其早負辭學累居台輔忍而莫言特捨其惡今忠邪既辨具物惟新賞罰倘垂下人安勸雖經赦令猶宜放斥於其老疾俾遂餘生宜聽隨子虔州刺史暢赴任尋起為廬州別駕而卒有文集五十卷

朱佐日

按江南通志朱佐日蘇州人兩登制科三為御史武后常吟詩曰白日依山盡黃河入海流欲窮千里目更上一層樓問是誰作李嶠對曰御史朱佐日詩也賜綵百匹

徐彥伯

按唐書本傳彥伯兗州瑕丘人名洪以字顯七歲能為文結廬太行山下薛元超安撫河北表其賢對策高第調末壽尉蒲州司兵參軍時司戶韋嗣立司士李亘工書而彥伯屬辭時稱河東三絕選職方員

外郎奉迎中宗房州進給事中武后選三教珠英取文辭士皆天下選而彥伯李嶠居首遷宗正卿出為齊州刺史帝復位改太常少卿以修武后實錄勞封高平縣子為衛州刺史政善狀璽書嘉勞移蒲州以近畿會郊祭上南郊賦一篇辭致典麗擢修文館學士工部侍郎歷太子賓客以疾乞骸骨許之開元二年卒彥伯事寡嫂謹撫諸姪同己子秉筆累朝後來翕然慕晚為文稍強灑然當時不及也始武后時大獄典王公卿士以語言為酷吏所引死徙不可計彥伯著樞機論以謂言者德之柄行之主志之端身之文也君子之樞機動則物應得失之見也可以濟身亦以覆身否泰榮辱一繫之能審思而應精慮而動擇其交以後談則悔吝何由而生怨惡何由而至如此乃可以言也以爲戒世云

按全唐詩話徐彥伯為文多變易求新以鳳閣為鵷閣龍門為虬戶金谷為銑溪玉山為瓊嶺竹馬為篠驂月兔為魄兔進士效之謂之灑體

崔融

按唐書本傳崔融字安成齊州全節人擢八科高第累補宮門丞崇文館學士中宗為太子時選侍讀典東朝章疏武后幸嵩高見融銘啓母碣歎美之及已封即命銘朝觀碑授著作佐郎遷右史進鳳閣舍人時有司議關市行人盡征之融上疏謂周官九賦其七曰關市以市多淫巧而關通末游欲止抑之故加稅耳然惟斂工商而不及往來今一切逼取則事不師古且四人異業舊矣復動而搖之市者兼受善惡也若甚則細人無所容細人無所容久必爲亂天下

之關必險道市必要津豪宗惡少在焉聞一旦變法或致騷動恐南走蠻北走狄今江津河渭列鋪率稅檢覆稽留加主司僥略邀巧則商人廢業魏晉齊隋所不行況陛下乎如有師與費廣雖倍算商旅加斂齊人可也后納之張易之兄弟頗延文學士融與李嶠蘇味道麟臺少監王綽宗降節使附易之誅貶袁州刺史召授國子司業與修武后實錄勞封清河縣子融為文華婉當時未有輩者朝廷大筆多手教委之其洛出寶圖頌尤工讓武后哀冊最高麗絕筆而死時謂思苦神竭云年五十四贈衛州刺史諡曰文唐部員外郎杜審言為融所獎引為服總麻六子其聞者禹錫翹禹錫開元中中書舍人贈定州刺史諡曰貞翹禮部尚書贈荊州大都督諡曰成孫巨右補闕亦有文會孫從

按舊唐書本傳崔融齊州全節人初應八科舉擢第累補宮門丞兼直崇文館學士中宗在春宮制融為侍讀兼侍屬文東朝表疏多成其手聖曆中則天幸嵩嶽見融所撰啓母廟碑深加嘆美及封禪畢乃命融撰朝觀碑文自魏州司功參軍擢授著作佐郎尋轉右史聖曆二年除著作郎仍兼右史內供奉四年遷鳳閣舍人久視元年坐忤張昌宗意左授婺州長史頃之昌宗怒解又請召為春官郎中知制誥事長安二年再遷鳳閣舍人三年再修國史時有司表稅關市融深以為不可上疏諫曰伏見有司稅關市事條不限工商但是行人盡稅者臣謹按周禮九賦其七曰關市之賦竊惟市縱繁巧關通末游欲令此徒止抑所以咸增賦稅臣謹商度今古料量國家竊將

爲不可稅謹件事跡如左伏惟聖旨擇焉往古之時淳樸未散公田籍而不稅關防議而不征中代以來澆風驟進桑麻疲弊稼穡辛勤於是各徇通財爭趨作巧求徑捷之欲速忘歲計之無餘遂使田萊日荒倉廩不積蠶織休廢弊繻關如飢寒猥臻亂離斯起先王懲其若此所以變古隨時依本者恆科占末者增稅夫關市之稅者謂市及國門關門者也唯斂出入之商賈不稅來往之行人今若不論商人通取諸邑事不師古法乃任情悠悠未代於何瞻仰濟濟盛朝自取嗤笑雖欲憲章姬典乃是違背周官臣知其不可者一也臣謹按易繫稱庖義氏沒神農氏作日中爲市致天下之人聚天下之貨交易而退各得其所班志亦云財者帝王聚人守位養成羣生奉順天德理國安人之本也仕農工商四人有業學以居位日仕闢土植穀日農作巧成器日工通財鬻貨日商聖王量能授事四人陳力授職然則四人各業久矣今復安得動而搖之蕭何云人情一定不可復動班固又云曹參相齊齊國安集大稱賢相參去屬其後相曰以齊獄市爲寄慎勿擾也後相曰理無大於此者乎參曰不然夫獄市者所以并容也今若擾之姦人安所容乎吾是以先之夫獄市兼受善惡若窮極姦人無所容寬姦人無所容寬久且爲亂秦人極刑而天下叛孝武峻法而刑獄繁此其效也老子曰我無爲而人自化我好靜而人自正參欲以道化其本不欲擾其末臣知其不可者二也四海之廣九州之雜關必據險路市必憑要津若乃富商大賈豪宗惡少輕死重義結黨連羣暗鳴則彎弓睚眦則挺劍小

有失意且猶如此一旦變法定是相驚乘茲困窮或致騷動便恐南走越北走胡非唯流逆齊人亦自攪亂殊俗又如邊徼之地寇賊爲鄰與胡之旅歲月相繼儻因科賦致有猜疑一從散亡何以制禁求利雖切爲害方深而有司上言不識大體徒欲益帑藏助軍國殊不知軍國益擾帑藏適空臣知其不可者三也孟軻又云古之爲關也將以禦暴今之爲關也將以爲暴今行者皆稅本末同流且如天下諸津舟航所聚旁通巴漢前指閩越七澤十數三江五湖控引河洛兼包淮海弘舸巨艦千軸萬艘交貿往還昧旦未日今若江津河口置鋪納稅納稅則檢覆檢覆則遲留此津纔過彼鋪復止非唯國家稅錢更遭主司儻賂船有大小載有多少量物而稅觸途淹久統論一日之中未過十分之一因此壅滯必致吁嗟一朝失利則萬商廢業萬商廢業則人不聊生其間或有輕詭任俠之徒斬龍刺蛟之黨鄱陽暴虐之客富平悍壯之夫居則藏鏹出便竦劍加之以重稅因之以威脇一旦默窮則搏鳥窮則攫執事者復何以安之哉臣知其不可者四也五帝之初不可詳已三王之後厥有著云秦漢相承典章大備至如關市之稅史籍有文秦政以雄圖武力捨之而不用也漢武以霸略英才去之而勿取也何則關爲禦暴之所市爲聚人之地稅市則人散稅關則暴興暴興則起異圖人散則懷不軌夫人心莫不背善而樂禍易動而難安一市不安則天下之市心搖矣一關不安則天下之關心動矣況澆風久扇變法爲難徒欲禁末遊規小利豈知失元默亂大倫魏晉眇小齊隋齷齪亦所不

行斯道者也臣知其不可者五也今之所以稅關市者何也豈不以國用不足邊寇爲虞一行斯術冀有殷贍然也微臣敢借前箸以籌之伏惟陛下當聖期御元籙沉璧於洛刻石於嵩鑄寶鼎以窮姦生明堂而布政神化廣洽至德潛通東夷蹙驚應時平殄南蠻纔動計日歸降西域五十餘國廣輪一萬餘里城堡清夷亭埃靜謐比爲患者唯苦二蕃今吐蕃請命邊事不起即日雖尚屯兵久後終弛柝獨有默啜假息孤思惡貫禍盈覆亡不暇征役日已省矣繁費日已稀矣然猶下明制遵太樸愛人力惜人財王侯舊封妃主新禮所有支料咸令減削此陛下以躬率先堯舜之用心也且關中河北水旱數年諸處逃亡今始安輯儻加重稅或慮相驚況承平歲積薄賦日久俗荷深恩人知自樂卒有變法必多生怨生怨則驚擾驚擾則不安中既不安外何能禦文王曰帝王富其人霸王富其地理國若不足亂國若有餘古人有言帝王藏於天下諸侯藏於百姓農夫藏於庾商賈藏於篋惟陛下下詳之必若師典有費國儲多寡即請倍筭商客加斂平人如此則國保富強人免憂懼天下幸甚臣知其不可者六也陛下留神繫表屬想政源冒茲炎熾早朝晏坐一日二日機務不遺先天後天虛心密應時政得失小子何知率陳瞽辭伏紙惶懼疏奏則天納之乃寢其事四年除司禮少卿仍知制誥時張易之兄弟頗招集文學之士融與納言李嶠鳳閣侍郎蘇味道麟臺少監王紹宗等俱以文才降節事之及易之伏誅融左授袁州刺史尋召拜國子司業兼修國史神龍二年以預修則天實錄成封

李適

交有終始恢博君子也初中宗景龍二年始於修文館置大學士四員學士八員直學士十二員象四時八節十二月於是李嶠宗楚客趙彥昭韋嗣立爲大學士適劉憲崔湜鄭愷盧藏用李又岑羲劉子元爲學士薛稷馬懷素宋之問武平一杜審言沈佺期閻朝隱爲直學士又召徐堅韋元旦徐彥伯劉允濟等滿員其後被選者不一凡天子饗會遊豫性宰相及學士得從春幸梨園立渭水祓除則賜細柳圈辟厲夏宴蒲萄園賜朱櫻秋登慈恩浮屠獻菊花酒稱壽冬幸新豐歷白鹿觀上驪山賜浴湯池給香粉蘭澤從行給翔麟馬品官黃衣各一帝有所感即賦詩學士皆屬和當時人所歆慕然皆狎猥佻倖忘君臣禮法惟以文華取幸若韋元旦劉允濟沈佺期宋之問

閻朝隱等無它稱附篇左云

按舊唐書文苑傳睿宗時天台道士司馬承祿徵至京師及還適贈詩敘其高尚之致其詞甚美當時朝廷之士無不屬和凡三百餘人徐彥伯編而敘之謂之白雲記頗傳於代

韋元日

按唐書文藝傳韋元且京兆萬年人祖澄越王府記
室撰女誠傳於時元且擢進士第補東阿尉遷左臺
監察御史與張易之有姻屬易之敗貶感義尉俄召
爲主客員外郎遷中書舍人舅陸頌妻韋后弟也故
元且憑以復進云

劉允濟

按唐書文藝傳劉允濟字允濟河南鞏人其先出沛國齊彭城郡承獻六世孫少孤事母尤孝工文辭與

王勃齊名舉進士補下邳尉累遷著作佐郎采魯哀公後十二世接戰國爲魯後春秋獻之遷左史兼直弘文館武后明堂成奏賦述功德手詔褒咨除著作郎爲來俊臣飛構當死以母老丐餘年繫獄會赦免貶大庾尉復爲著作佐郎修國史常曰史官善惡必書使驕主賊臣懼此權顧輕哉而班生受金陳壽求米僕乃視如浮雲耳遷鳳閣舍人坐二張昵狎除青州長史有清白稱巡察使路敬潛言狀以內憂去官服除召爲修文館學士旣久斥喜甚與家人樂飲數日卒

沈佺期

按唐書文藝傳沈佺期字雲卿相州內黃人及進士
第由協律郎累除給事中考功受昧劾未究會張易
之敗遂長流驪州稍遷台州錄事參軍事入計得召
見拜起居郎兼修文館直學士既侍宴帝詔學士等
舞回波佺期爲弄辭悅帝還賜牙緋尋歷中書舍人
太子少詹事開元初卒弟全交全宇皆有才章而不
逮佺期

宋之問

按唐書文藝傳宋之問字延清一名少連汾州人父令文高宗時爲東臺詳正學士之問偉儀貌雄於辨甫冠武后召與楊炯直習藝館累轉尚方監丞左奉宸內供奉武后遊洛南龍門詔從臣賦詩左史東方虬詩先成后賜錦袍之問俄頃獻后覽之嗟賞更奪袍以賜於時張易之等蒸昵寵甚之問與閭朝隱沈佺期劉允濟傾心媚附易之所賦諸篇盡之問朝隱所爲至爲易之奉溺器及敗貶瀧州朝隱崖州竝

參軍事之問逃歸洛陽匿張仲之家會武三思復用事仲之與王同皎謀殺三思安王室之問得其實令兄子曇與冉祖雍上急變因丐贖罪由是擢鴻臚主簿天下醜其行景龍中遷考功員外郎詔事太平公主故見用及安樂公主權盛復往諸結故太平深疾之中宗將用爲中書舍人太平發其知貢舉時賅餉狼藉下遷汴州長史未行改越州長史頗自力爲政窮歷剡溪山置酒賦詩流布京師人人傳諷睿宗立以險惡流欽州祖雍歷中書舍人刑部侍郎倡飲省中爲御史劾奏貶新州刺史至是亦流嶺南竝賜死桂州之問得詔震汗東西步不引決祖雍請使者曰之問有妻子幸聽訣使者許之而之問惶悸不能處家事祖雍怒曰與公俱負國家當死奈何遲回邪乃飲食洗沐就死祖雍江夏王道宗甥及進士第有名於時魏建安後沈江左詩律屢變至沈約庾信以音韻相婉附屬對精密及之問沈佺期又加靡麗回忌聲病約句準篇如錦繡成文學者宗之號爲沈宋語曰蘇李居前沈宋比肩謂蘇武李陵也初之問父令文富文辭且工書有力絕人世稱三絕都下有牛善觸人莫敢嬰令文直往拔取角折其頸殺之既之問以文章起其弟之悌以驕勇聞之慈精草隸世謂皆得父一絕之悌長八尺開元中歷劍南節度使太原尹嘗坐事流朱鷺會蠻陷驩州授總管擊之募壯士八人被重甲大呼薄賊曰獠動即死賊七百人皆伏不能興遂平賊之慈爲連州參軍刺史聞其善歌使教婢日執笏立簾外唱吟自如

按舊唐書文苑傳中宗增置修文館學士擇朝中文

學之士之問與薛稷杜審言等首膺其選當時榮之及典舉引拔後進多知名者尋轉越州長史睿宗即位以之問嘗附張易之武三思配徙欽州先天中賜死於徙所之問再被竄謫經途江嶺所有篇咏傳布遠近友人武平一爲之纂集成十卷傳於代

閻朝隱

按唐書文藝傳閻朝隱字友倩越州樂城人少與兄鏡後弟仙舟皆著名連中進士孝悌廉讓科補陽武尉中宗爲太子朝隱以舍人幸性滑稽屬辭奇詭爲武后所賞累遷給事中仗內供奉后有疾令往禱少室山乃沐浴伏身俎盤爲犧牲請代后疾還奏會后亦愈大見褒賜其資佐詔如此景龍初自崖州遇赦還累遷著作郎先天中爲祕書少監坐事貶通州別駕卒

尹元凱

按唐書文藝傳尹元凱瀘州樂壽人由慈州司倉參軍坐事免棲遲不出者二十年與張說盧藏用厚詔起爲右補闕時又有富嘉謨吳少微皆知名嘉謨武功人舉進士長安中累轉晉陽尉少微新安人亦尉晉陽尤相友善有魏谷倚者爲太原主簿竝負文辭時稱北京二傑天下文章尚徐庾浮俚不競獨嘉謨少微本經術雅厚雄邁人爭慕之號吳富體諫修三

教珠英韋嗣立薦嘉謨少微並爲左臺監察御史已而嘉謨死少微方病聞之爲慟亦卒

按舊唐書文苑傳富嘉謨雍州武功人也舉進士長安中累轉晉陽尉與新安吳少微友善同官先是文士譔碑頌皆以徐庾爲宗氣調漸劣嘉謨與少微屬辭皆以經典爲本時人欽慕之文體一變稱爲富吳體嘉謨作雙龍泉頌千蠲谷頌少微撰崇福寺鐘銘詞最高雅作者推重并州長史張仁直待以殊禮坐必同榻嘉謨後爲壽安尉預修三教珠英中與初爲左臺監察御史卒有文集五卷少微亦舉進士累至晉陽尉中與初調於吏部侍郎韋嗣立稱薦拜右臺監察御史臥病聞嘉謨死哭而賦詩尋亦卒有文集五卷嘉謨與少微在晉陽魏郡各倚爲太原主簿皆以文辭著名時人謂之北京三傑倚後流寓客死文章遺失少微子鞏開元中爲中書舍人

劉憲

按唐書文藝傳劉憲字元度宋州寧陵人父思立任高宗時爲名御史於時河南北大旱詔遣御史中丞崔謐等分道賑贍思立建言蠶務未畢而遣使撫巡所至不能無勞費又賑給須立簿最稽出入往返停滯妨廢且廣若無驛處馬須豫集以一馬勞數家今農事待雨輒作輒日役破歲計本欲安存更煩擾之望且貴州縣給貸須秋遣使便詔聽罷謐等行還考功員外郎始議加明經帖進士雜文卒官下憲擢進

士調河南尉累進左臺監察御史天授中奉詔按來俊臣罪憲疾其酷欲痛繩之反爲所搆貶潯水令俊臣死召爲給事中轉中書舍人坐善張易之出爲渝州刺史除太僕少卿修國史兼修文館學士遷太子詹事時元宗在東宮雅意墳史惠啓曰殿下位副君有絕人之才非以尋撫章句要通大意而已侍讀褚無量經明行修耆年宿望宜數召問以察其言太子順納會卒贈兗州都督武后時勅吏部糊名考判求高才惟憲與王適司馬鎰梁載言入第二等適幽州人終雍州司功參軍鎰河南人神龍初以中書侍郎卒事繼母孝奉祿不入私舍與弟銓伯父希象皆歷殿中侍御史希象剛直不諂終主爵員外郎載言聊城人歷鳳閣舍人專知制誥終懷州刺史

按舊唐書文苑傳劉憲有集三十卷司馬鎰撰具員故事十卷十道志十六卷並傳於時

李邕

按唐書文藝傳邕字太和揚州江都人父善有雅行淹貫古今不能屬辭故人號書麓顯慶中累擢崇賢館直學士兼沛王侍讀爲文選注數析淵冷表上之賜資頗渥除路王府記室參軍爲涇城令坐賀蘭敏之善流姚州遇赦還居汴鄭間講授諸生四遠至傳其業號文選學邕少知名始善注文選釋事而忘意書成以問邕邕不敢對善詰之邕意欲有所更善曰試爲我補益之邕附事見義善以其不可奪故兩書并行既冠見特進李嶠自言讀書未徧願一見祕書嶠曰祕閣萬卷豈時日能習耶邕固請乃假直祕書未幾辭去嶠驚試問與篇隱映了辨如響嶠嘆曰子

且名家嶠爲內史與監察御史張廷珪薦邕文高氣方直才任諫諍乃召拜左拾遺御史中丞宋璟劾張昌宗反狀武后不應邕立階下大言曰璟所陳社稷大計陛下當聽后色解即可璟奏邕出或讓曰子位卑一忤旨禍不測邕曰不如是名亦不傳中宗立鄭普思以方技幸擢祕書監邕諫曰陛下躬政日淺有九重之嚴未聞道路橫議今籍籍皆言普思愚詭惑說妖祥陛下不知猥見驅使孔子曰詩三百一言以蔽之曰思無邪陛下誠以普思術可致長生則爽鳩氏且因之末有天下非陛下乃今可得能致神人邪秦漢且因之末有天下非陛下乃今可得能致佛法邪梁武帝且因之末有天下非陛下乃今可得能鬼道邪墨翟子寶且各獻其主末有天下非陛下乃今可得自古堯舜稱聖者臣觀所以行皆在人事敦睦九族平章百姓不聞以鬼神道治天下惟陛下省察不納五王誅坐善張柬之出爲南和令貶富州司戶參軍事韋氏平召拜左臺殿中侍御史彈劾任職人頗憚之譙王重福謀反邕與洛州司馬崔日知捕支黨遷戶部員外郎岑義崔混惡日用而邕與之交元宗在東宮邕及崔隱甫倪若水同被禮遇義等忌之貶邕舍城丞元宗即位召爲戶部郎中張廷珪爲黃門侍郎而姜皎方幸共援邕爲御史中丞姚崇疾邕險躁左遷括州司馬起爲陳州刺史帝封泰山還邕見帝汴州詔獻辭賦帝悅然矜肆自謂且宰相邕素輕張說與相惡會仇人告邕贓貸枉法下獄當死許昌男子孔璋上書天子曰明主舉能而捨過取才而棄行烈士抗節勇者不避死故晉用林父不以過漢

任陳平不以行禽息隕身不祈生北郭碎首不受死向若林父誅陳平死百里不用晏嬰見逐是晉無赤狄之士漢無天子之尊秦不彊齊不霸矣伏見陳州刺史邕剛毅忠烈難不苟免往者折二張之角挫韋氏之鋒雖身受謫屈而姦謀沮解即邕有功於國且邕所能者拯孤恤寡救乏調惠家無私聚今聞坐賊下吏死在旦夕臣聞生無益於國者不若殺身以明賢臣願以六尺之軀膏鈇鉞以代邕死臣與邕生平不款曲臣知有邕邕不知有臣臣不逮邕明矣夫知賢而舉仁也任人之忠義也獲二善以死臣又何求伏惟陛下寬邕之死使率德改行與林父曲逆之功始重行大戮則臣請伏劍不敢煩有司皇天后土實聞臣言昔吳楚反漢得劇孟則不憂夫以一賢而敵七國之衆伏惟數舍垢之道棄瑕之義遠思劇孟近取於邕況告成岱宗天地更新赦而復論人誰無罪惟明王圖之臣聞士爲知己者死臣不爲死者所知而甘之死者非特惜邕賢亦以成陛下於能之慈疏奏邕得減死貶遵化尉流瑋嶺南邕妻溫復爲邕請戍邊自贖曰邕少習文章疾惡如讎不容於衆邪佞切齒諸儒側目頻謫遠郡削跡朝端不啻十載歲時歎戀聞者傷懷屬國家有事泰山法駕旋路邕獻牛酒例蒙恩私妾聞正人用則佞人憂邕之禍端故自此始且邕比任外官卒無一毀天意暫顧罪過旋生諺曰士無賢不肖入朝見嫉惟陛下明察邕初蒙訊責便繫牢戶水不入口者踰五日氣息奄奄惟吏是聽事生吏口絕邕手書貸人蠶種以爲枉法市羅貢

奉指為姦賊於時匪使朝堂守捉嚴固號天誑地誰肯為開泣血去國投骨荒裔末無還期妾願使邕得充一卒効力王事膏塗朔邊骨糞沙壤成邕夙心表人不省邕後從中人楊思勳討嶺南賊有功徙澧州司馬開元二十三年起為括州刺史喜與利除害復坐誣枉且得罪天子識其名詔勿劾後歷滑二州刺史上計京師始邕早有各重義愛士久斥外不與士大夫接既入朝人間傳其眉目瓌異至阡陌聚觀後生望風內謁門巷填隘中人臨問索所為文章且進上以譏媚不得留出為汲郡北海太守天寶中左驍衛兵曹參軍柳勣有罪下獄邕常遺勣馬故吉溫使引邕嘗以休咎相語陰賂遺宰相李林甫素忌邕因傳以罪詔刑部員外郎祁順之監察御史羅布夷就郡杖死之時年七十代宗時贈秘書監邕之文於碑頌是所長人奉金帛請其文前後所受鉅萬計邕雖誦不進而文名天下時稱李北海盧藏用嘗謂邕如干將莫邪難與爭鋒但虞傷缺耳後卒如言杜甫知邕負謗死作八哀詩讀者傷之邕資豪放不能治細行所在賄謝敗游自肆終以敗云

按舊唐書文苑傳邕早擅才名尤長碑頌雖貶職在外中朝衣冠及天下寺觀多齋持金帛往求其文前後所製凡數百首受納饋遺亦至鉅萬時議以為自古壽文獲財未有如邕者有文集七十卷其韓公行狀洪州放生池碑批韋巨源謚議文士推重之

呂向

按唐書文藝傳呂向字子回亡其世貫或曰涇州人少孤託外祖母隱陸渾山工草隸能一筆環寫百字

若繁髮然世號連錦書彊志於學每賣藥即市閱書遂通古今元宗開元十年召入翰林兼集賢院校理侍太子友諸王為文章時帝歲遣使采擇天下姝好內之後宮號花鳥使向因奏美人賦以諷帝善之擢左拾遺天子數校獵渭川向又獻詩規諷進左補闕帝自為文勒石西嶽詔向為鐫勒使以起居舍人從帝東巡帝引頤利發及蕃夷酋長入仗內賜弓矢射禽向上言鴟鴞不鳴未為瑞鳥豺虎雖伏弗曰仁獸況突厥安忍殘賊莫顧君父陛下震以武義來以文德勢不得不廷故稽顙稱臣奔命遣使陛下引內從官陪封禪盛禮使飛矢於前同獲獸之樂是狎昵太過或荆卿詭動何羅竊發逼嚴蹕冒清塵縱醢單于汗穹廬何以塞責帝順納詔蕃夷出仗久之遷主客郎中專侍皇太子眷資良異始向之生父爰客遠方不還少喪母失墓所在將葬巫者求得之不知父在亡招魂合諸墓後有傳父猶在者訪索累年不獲它日自朝還道見一老人物色問之果父也下馬抱父足號慟行人為流涕帝聞咨歎官岌朝散大夫賜錦綵給內教坊樂工娛懌其心卒贈東平太守向終喪再遷中書舍人改工部侍郎卒贈華陰太守嘗以李善釋文選為繁釀與呂延濟劉良張銑李周翰等更為詁解時號五臣注

王翰

按唐書文藝傳王翰字子羽并州晉陽人少豪健恃才及進士第然喜蒲酒張嘉貞為本州長史偉其人厚遇之翰自歌以舞屬嘉貞神氣軒舉自如張說至禮益加復舉直言極諫調昌樂尉又舉超拔羣類方

說輔政故召為祕書正字擢通事舍人駕部員外郎家畜聲伎目使頤令自視王侯人莫不惡之說罷宰相翰出為汝州長史徙仙州別駕日與才士豪俠飲樂游畋伐鼓窮歡坐貶道州司馬卒

許景先

按唐書本傳許景先常州義興人曾祖緒武德時以佐命功歷左散騎常侍封真定公遂家洛陽景先由進士第釋褐夏陽尉神龍初東都造服慈閣景先獻賦李迥秀見其文畏嘆曰是宜付太史擢左拾遺以論事切直外補滑州司士參軍舉手筆俊技茂才異等連中進揚州兵曹參軍還為左補闕宋璟蘇頌擇殿中侍御史久不補以授景先時議僉慙按不避近疆與齊魯王丘韓休張九齡更知制誥以雅厚稱張說曰許舍人之文雖乏峻峰激流然辭旨豐美得中和之氣開元十年伊汝溢壞廬舍甚眾景先見侍中源乾曜曰災眚所降王者宜修德應之因遣大臣存問失職罪已引咎以答天譴公在元弼庸可默乎乾曜悟遽曰元宗遣陸象先持節賑贍十三年帝自擇刺史景先由吏部侍郎為刺史治虢州大理卿源光裕鄭州兵部侍郎寇泚宋州禮部侍郎鄭溫琦邠州大理少卿袁仁敬杭州鴻臚少卿崔志康襄州衛尉少卿李昇期邢州太僕少卿鄭放定州國子司業蔣挺湖州左衛將軍裴觀滄州衛率崔誠遂州凡十一人治行詔宰相諸王御史以上祖道洛濱盛具奏太常樂帛舫水嬉命高力士賜詩帝親書且給紙筆令自賦查帛三千遺之後徙岐州人為吏部侍郎卒按舊唐書文苑傳開元初每年賜射節級賜物屬年

儉甚費府庫景先奏曰近以三九之辰頒賜宴射已著格令猶降綸言但古制不存禮章多闕官員累倍帑藏未充水旱相仍繼之師旅既不足以觀德又不足以威邊耗國損人且為不急夫古之天子以射選諸侯以射飾禮樂以射觀容志故有騶虞理首之奏采繫采蘋之樂天子則以備官為節諸侯則以時會為節卿大夫以循法為節士以不失職為節皆審志固行德美事成陰陽克和暴亂不作故諸侯貢士亦試於射宮容體有虧則絀其地是諸侯君臣皆盡志於射之禮也大矣哉今則不然衆官既多鳴鏑亂下以苟獲為利以偶中為能素無五善之容頗失三侯之禮冗官厚秩禁衛崇班動盈累千其算無數近河南河北水湧處多林胡小蕃見寇郊壘軍書日至河朔騷然命將除兇未圖克捷典師十萬日費千金去歲豫毫兩州微遭旱損庸賦不辦以致流亡聖人憂勤降使招恤流離歲月曾未能安人之困窮以至於此今一箭偶中是一丁庸調用之既無惻隱獲之固無恥慚考古循今則為未可且禁衛武官隨番許射能中的者必有賞焉此則訓武習戎時習不闕待寇軍歲稔率由舊章則愛禮養人幸甚幸甚自是乃停賜射之禮俄轉中書舍人自開元初景先與中書舍人齊澣王丘韓休張九齡掌知制誥以文翰見稱中書令張說嘗稱曰許舍人之文雖無峻峰激流嶄絕之勢然屬詞豐美得中和之氣亦一時之秀也

陸餘慶

按唐書陸元方傳元方從父餘慶餘慶陳右衛將軍珣孫方雅有祖風已冠名未顯兄元表喈曰爾名宦

不立奈何餘慶感激閉戶誦讀三年以博學稱舉制策甲科補蕭尉累遷陽城尉武后封嵩山以辦具勞擢監察御史聖曆初靈勝二州党項誘北胡寇邊詔餘慶招慰諭以恩信蕃酋率衆內附遷殿中侍御史鳳閣舍人后嘗命草詔殿上恐懼不能得一詞降左司郎中久之封廣平郡公太子右庶子餘慶於寒品晚進必悉力薦藉人有過輒面折退無一言開元初為河南河北宣撫使薦富春孫逃京兆韋述吳興蔣洙河南達奚珣後皆為知名士遷大理卿終太子詹事諡曰莊雅善趙貞固盧藏用陳子昂杜審言宋之問畢構郭襲微司馬承禎釋懷一時號方外十友餘慶才不逮子昂等而風流敏辯過之初武后時酷吏用事中宗朝倖臣貴主斜封大行陷利膏禍之人與相乾沒雖亟貴驟用而戮不反踵餘慶以道自將雖仕不赫赫訖無悔尤

蘇頌

按唐書蘇頌傳頌字廷碩弱敏悟一覽至千言輒能覆誦第進士調烏程尉武后封嵩高舉賢良方正異等除左司禦率府胄曹參軍吏部侍郎馬載曰古稱一日千里蘇生是已再遷監察御史長安中詔覆來俊臣等冤獄頌驗發其誣多從洗宥遷給事中修文館學士拜中書舍人時環同中書門下三品父子同在禁苑朝廷榮之元宗平內難書詔填委頌獨在太極後閣口所占授功狀百緒輕重無所差書史白曰丐公徐之不然手腕脫矣中書令李嶠曰舍人思若涌泉吾所不及遷太常少卿仍知制誥遭父喪起為工部侍郎辭不拜終制乃就職帝問宰相有自工部

侍郎得中書侍郎乎對曰陛下任賢惟所命何資之計乃詔以頌為中書侍郎帝勞曰方美官缺每欲用卿然宰相議遂無及者朕為卿恨陸象先歿紫微侍郎未嘗補朕思其人無易卿者頌頓首謝明日加知制誥給政事食給食自頌始時李義對掌書命帝曰前世李嶠蘇味道文擅當時號蘇李今朕得頌及又何愧前人哉俄襲封許國公吐蕃盜邊諸將數敗虜益張秣騎內侵帝怒欲自將討之頌諫曰古稱荒服取荒忽之義非常奉職貢也故來則拒去則勿逐以禽獸畜之羈縻御之譬若獵然羽毛不入服用體肉不登郊廟則王者不射也況萬乘之重與大羊蚊虻語負勝哉遠夷左袒不足以辱天子亦可見矣雖然兵法先聲後實陛下如班親征之詔而敕城將謀夫投會濟師則吐蕃不日崩破亦無待躬致天討也臣謂岐隴凋弊積年若千乘萬騎供億不涯誠恐徭役內興寇掠外虞斯人不堪一也戎虜之性驟往俟來敗不恥奔勝不讓成若大軍一臨邊怖震鳥散彼出多方我受其誤二也太上皇聞陛下身對寇場不能無憂烝烝之思何以自安三也漢蒯成侯諫高帝曰上嘗自勞豈謂無人使哉高帝以為愛我今將相大臣豈無為陛下宣力者何親行之遽耶不省復上言王者之師有征無戰藩貢或闕王命征之於是乎治兵其郊獲辭而止非謂按甲自臨敵人畏之莫敢戰也古天子無親將惟黃帝五十二戰當未平之時自阪泉功成則修身閑居無為無事陛下撥定禍亂方當深視高居制禮作樂禪梁甫登空同何至厭天居稚金革為一日之敵今吐蕃遺渠領干犯國令軍吏

一不勝而陛下屈至尊爲之敵雖朝鼎夕祚猶未可以夸四夷安足勞聖躬哉虜之入唯盜牛馬發窖褫衣未嘗殺略邊人其罪易原也臣恐虜情狼顧牽連北狄聞六師之行入幽并犯靈夏南動京師太上皇一致憂勞是陛下以天下之安不能寧其親也臣固曰居中制勝策之上者若夫擇良將募重而約嚴違律必誅殺敵必賞多出金以購酋長虜亡無日矣願稍遷延以須西音亦會薛訥大破吐蕃俘獲不貲由是帝不行時詔立靖陵碑命頌爲之辭辭曰前世帝后志碑事弗稽古謂之不法審當可者祖宗諸陵一須營立後嗣謂何帝不納其言開元四年進同紫微黃門平章事修國史與宋璟同當國璟剛正多所裁決頌能推其長在帝前敷奏璟有未及或少屈頌輒助成之有不合意頌更申璟所執故帝未嘗不從二人相得歡甚璟嘗曰吾與蘇氏父子同爲宰相僕射長厚自是國器若獻可替否事至則斷盡公不顧私則今丞相爲過之八年罷爲禮部尚書俄檢校益州大都督長史按察節度劍南諸州時蜀彫劫人流亡詔頌收劍南山澤鹽鐵自贍頌尚簡靜重典力役即募戍人輸雇直開井置鹽量入計出分所贏市穀以廣見糧時前司馬皇甫恂使蜀徵取庫錢市錦半臂琵琶捍撥玲瓏鞭頌不肯予因上言遣使銜命先取不急非陛下以山澤贍軍費意或謂頌公在遠臣得忤上意頌曰不然明主不以私愛奪至公吾可以遠近廢忠臣節邪嶠州蠻宜院與吐蕃連謀入寇獲譯者吏請討之頌不聽移書還其譯曰毋得爾宜院羞悔不敢侵邊從封泰山詔頌朝覲壇世咨其文還

分主十銓事卒年五十八帝猶視朝起居舍人韋述上疏曰貞觀末微時大臣薨輒置朝舉哀成終始恩上有旌賢錄舊之德下有生榮死哀之美昔晉知悼子卒平公宴樂杜蕢一言而悟春秋載之故禮部尚書頌累葉輔弼奉事軒陛二十餘年今奄忽不還邦人痛嗟惟惟蓋之舊股肱之戚宜節廢朝明君臣之誼帝曰固朕意也即日帳次哭洛城南門不朝詔贈右丞相諡曰文憲葬日帝遊咸宜宮將獵聞之曰頌且葬我忍自娛哉半道而還頌性廉儉奉廩悉推散諸弟親族儲無長貲自景龍後與張說以文章顯稱望略等故時號燕許大手筆帝愛其文曰卿所爲詔令別錄副本署臣某撰朕當留中後遂爲故事其後李德裕著論曰近世詔誥惟頌叙事外自爲文章云按全唐詩話皮日休松憲錄云中宗嘗召宰相蘇瓌李嶠之子進見時皆同年帝謂曰汝等各所以通書取宜奏者爲吾言之頌應曰木從繩則正后從諫則聖嶠之子亡其名亦奏曰斯朝涉之脛剖賢人之心帝曰蘇瓌有子李嶠無後

張說

長安盛春遊頌製詩云飛埃結紅霧遊蓋飄青雲明皇嘉賞以御花親插其中上時榮之

按唐書本傳張說字道濟或字說之其先自范陽徙河南更爲洛陽人未昌中武后策賢良方正詔吏部尚書李景讓糊名較覆說所對第一后署乙等授太子校書郎遷左補闕后嘗問諸儒言氏族皆本炎黃之裔則上古乃無百姓乎若爲朕言之說曰古未有姓自炎帝之姜黃帝之姬始因所生地而爲之姓其

後天子建德因生以賜姓黃帝二十五子而得姓者十四德同者姓同德異者姓殊其後或以官或以國或以王父之字始爲賜族久乃爲姓降唐虞抵戰國姓族漸廣周衰列國既滅其民各以舊國爲之氏下及兩漢人皆有姓故姓之以國者韓陳許鄭魯衛趙魏爲多后曰善久視中后追署三陽宮汜秋未還說上疏曰宮距洛城百六十里有伊水之隔崕坂之峻過夏涉秋水潦方積道壞山險不通轉運河廣無梁咫尺千里扈從兵馬日費資饟太倉武庫並在都邑紅粟利器蘊若山丘奈何去宗廟之上都安山谷之僻處是猶倒持劍戟示人鋒柄臣竊爲陛下不取夫禍變之生在人有所忽故曰安樂必戒無行所悔不可一也告成福小萬方輻湊填郭溢郭併鋪無所排斥居人蓬宿草大風雨暴至不知庇託孤嫠老病流轉衢巷陛下作人父母將若之何不可二也池亭奇巧蕩誘上心削鑿起觀場流漲海俯貫地脉仰出雲路易山川之氣奪農桑之土延木石運斧斤山谷連聲春夏不輟勸陛下作此者豈正人邪詩云人亦勞止迄可小康不可三也御苑東西二十里外無牆垣高禁內有榛叢谿谷猛獸所伏暴惡所憑陛下往往輕行警蹕不肅歷蒙密乘險熾卒有逸獸在犬驚犯左右豈不殆哉易曰思患豫防願爲萬姓持重不可四也今北有胡寇觀邊南有夷獠騷微關西小旱耕稼是憂安東近平輸漕方始臣願及時旋軫深居上京息人以展農修德以來遠罷不急之役省無用之費澄心澹懷惟億萬年蒼蒼羣生莫不幸甚臣度芻議十不從一何者沮盤遊之娛間林沚之玩規遠圖替

近適要後利棄前歡未沃明主之心已振貴臣之意然不愛死者懼言責不職耳后不省擢鳳閣舍人張易之誣陷魏元忠也援說為助說廷對元忠無不順言忤旨流欽州中宗立召為兵部員外郎累遷工部兵部二侍郎以母喪免既替詔起為黃門侍郎固請終制所陳哀到時禮俗衰薄士以奪服為榮而說獨以禮終天下高之除喪復為兵部兼修文館學士睿宗即位擢中書侍郎兼雍州長史譙王重福死東都支黨數百人獄久不決詔說往按一昔而罪人得乃誅張靈均鄭愔餘誣悉原帝嘉其不枉直不漏惡慰勞之元宗為太子說與褚無量侍讀尤見親禮踰年進同中書門下平章事監修國史景雲二年帝謂侍臣曰術家言五日內有急兵入宮為我備之左右莫對說進曰此讒人謀動東宮耳陛下若以太子監國則名分定姦膽破蜚禍塞矣帝悟下制如說言明年皇太子即皇帝位太平公主引蕭至忠崔湜等為宰相以說不附己授尚書左丞罷政事為東都留守說知太平等懷逆乃因使以佩刀獻元宗請先決策帝納之至忠等已誅召為中書令封燕國公實封二百戶始武后末年為潑寒胡戲中宗嘗乘樓縱觀至是因四夷來朝復為之說上疏曰韓宣道魯見周禮而嘆孔子會齊數倡優之罪列國如此况天朝乎今四夷請和使者入謁當接以禮樂示以兵威雖曰戎夷不可輕也焉知無駒支之辯由余之賢哉且乞寒潑胡未聞典故裸體跳足汨泥揮水盛德何觀焉恐非干羽柔遠樽俎折衝之道納之自是遂絕素與姚元崇不平罷為相州刺史河北道按察使坐累徙

岳州停實封說既失執政意內自懼雅與蘇瓌善時瓌子頊為相因作五君詠獻頊其一紀瓌也候瓌忌日致之頊覽詩嗚咽未幾見帝陳說忠譽有勳不宜棄外遂遷荊州長史俄以右羽林將軍檢校幽州都督入朝以戎服見帝大喜授檢校并州長史兼天兵軍大使修國史敕齋葉即軍中論議朔方軍大使王駿誅河曲降虜阿不思也九姓同羅拔野固等皆疑懼說持節從輕騎二十直詣其部宿帳下召見酋豪慰安之副使李憲以虜難信不宜涉不測說報曰吾肉非黃羊不畏其食血非野馬不畏其刺士當見危致命亦吾効死秋也由是九姓遂安駿後討蘭池叛胡康待賓詔說相聞經略時党項羌亦連兵攻銀城說將步騎萬人出合河關掩擊破之追北略駝堰羌胡自相猜夜關待賓遁入鐵建山餘衆奔潰說招納党項使復故處副使史獻請盡誅之說不從奏置麟州以安羌衆召拜兵部尚書同中書門下三品讓宋璟陸象先不許明年詔為朔方節度大使親行五城督士馬時廣州方渠降胡康願子反自為可汗掠牧馬西涉河出塞說進討至木槃山禽之俘獲三千乃議徙河曲六州殘胡五萬於唐鄧仙豫間空河南朔方地以功賜實封三百戶故時邊鎮兵贏六十萬說以時平無所事請罷二十萬還農天子以為疑說曰邊兵雖廣諸將自衛營私耳所以制敵不在衆也以陛下之明四夷畏威不慮滅兵而招寇臣請以闔門百口為保帝乃可時衛兵貧弱番休者亡命略盡說建請一切募勇疆士優其科條簡色役不旬日得勝兵十三萬分補諸衛以疆京師後所謂彊騎者也帝

自東都將還京因幸并州說見帝曰太原王業所基陛下巡幸振耀威武以申未思繇河東入京師有漢武雕上祠此禮廢闕歷代莫舉願為三農祈穀誠四海之福帝納其言過祠后土乃還進中書令說又倡封禪議受詔與諸儒草儀多所裁正帝召說與禮官學士置酒集仙殿曰朕今與賢者樂於此當遂為集賢殿乃下制改麗正書院為集賢殿書院而授說院學士知院事東封還為尚書右丞相兼中書令詔說撰封禪壇頌刻之泰山以夸成功初源乾曜不欲封禪說固請乃不相平及升山執事官當從者說皆引所厚超階入五品從兵唯加勳而不賜衆怨其專宇文融先獻策括天下游戶及籍外田署十道勸農使分行郡縣說畏其擾數沮格之至是融請吏部置十銓與蘇頌等分治選事有所論請說頗抑之於是銓綜失敘融恨之乃與崔隱甫李林甫共劾奏說引術士王慶則夜祠禱解而奏表其間引僧道岸窺詞時事冒署右職所親吏張觀范堯臣依據說勢權招賂擅給太原九姓羊錢千萬其言醜慘帝怒詔乾曜隱甫刑部尚書韋抗即尚書省鞠之發金吾兵圍其第說兄左庶子光詣朝堂刑列刻冤帝遣高力士往視見說蓬首垢面席藁家人以瓦器饋脫粟鹽蔬為自罰憂懼者力士還奏且言說往納忠於國有功帝憮然乃停說中書令誅慶則等坐者猶十餘人說既罷政事在集賢院專修國史又乞停右丞相不許然每軍國大務帝輒訪焉隱甫等恐說復用巧文詆毀素忿說者又著疾邪篇帝聞因令致仕始為相時帝欲事吐蕃說密請講和以休息鄯塞帝曰朕待王君

集計之說出告源乾曜曰君莫好兵以求利彼人吾言不用矣後君莫破吐蕃於青海西說策其且敗因上嶺州關羊於帝以申諷諭曰使羊能言必將曰關

而不解必有死者所賴至仁無殘量力取歡焉帝識其意納之賜綵千匹後瓜州失守君莫死十七年復為右丞相遷左丞相上日敕所司供帳設樂內出膠饌帝為賦詩俄授開府儀同三司十八年卒年六十四為停正會贈太師諡曰文貞羣臣駭異未決帝為製碑諡如太常繇是定說敦氣節立然諾喜推藉後進於君臣朋友大義甚篤帝在東官所與秘謀密計甚衆後卒為宗臣朝廷大述作多出其手帝好文辭有所為必使視草善用人之長多引天下知名士以佐佑王化粉澤典章成一王法天子尊尚經術開館置學士修太宗之政皆說倡之為文屬思精壯長於碑誌世所不逮既謫岳州而詩益悽惋人謂得江山助云常典集賢圖書之任間雖致仕一歲亦修史於家始帝欲授說大學士辭曰學士本無大稱中宗崇寵大臣乃有之臣不敢以為稱固辭乃免後宴集賢院故事官重者先飲說曰吾聞儒以道相高不以官閱為先後太宗時修史十九人長孫無忌以元舅每飲不肯先舉爵長安中與修珠英當時學士亦不以品秩為限於是引觴同飲時伏其有體中書舍人陸堅以學士或非其人而供擬太厚無益國家者議白罷之說聞曰古帝王功成有奢滿之失或與池館或尚聲色今陛下崇儒問道躬自講論詳延豪俊則麗正乃天子禮樂之司所費細而所益者大陸生之言蓋未達邪帝知遂薄堅說嘗自為其父碑帝為書其

額曰嗚呼積善之墓說歿後帝使就家錄其文行於世開元後宰相不以姓著者曰燕公云大曆中詔配享元宗廟廷于均垣

按舊唐書本傳初說為相時元宗意欲討吐蕃說密奏許其通和以息邊境元宗不從及瓜州失守王君莫死說因復嶺州關羊上表獻之以申諷諭其表曰臣聞勇士冠鷄武夫戴鶻推情舉類獲此關羊遠生越嶺蓄性剛決敵不避強戰不顧死雖為微物志不可挫伏惟陛下選良家於六郡求猛士於四方鳥不遁才獸不藏伎如策効奇靈圍角力天場却鼓怒以作氣前躡躡以奮擊鼓若奔雲之交觸碎如轉石之相叩裂骨賭勝濺血爭雄敢殺見而衝冠驚聞而擊節翼將少助明主市駿骨捐怒蛙之意也若使羊能言必將曰若關不解立有死者所賴至仁無殘量力取勸焉臣緣損足未堪履地謹遣男詣金明門奉進元宗深悟其意賜絹及雜綵一千匹十七年復拜尚書右丞相集賢院學士尋代源乾曜為尚書左丞相視事之上日敕所司供帳設音樂出酒食御製詩一篇以敘其事尋以修謁陵儀注功加開府儀同三司時長子均為中書舍人次子均尚寧親公主拜駙馬都尉又授說兄慶王傳光為銀青光祿大夫當時榮寵莫與為比十八年遇疾元宗每日令中使問疾并手寫藥方賜之十二月薨時年六十四上惻惻久之遽於光順門舉哀因罷十九年元正朝會詔曰弘濟艱難參其功者時係經緯禮樂贊其道者人師式瞻而百度允釐既往而千載貽範台衡軒鼎垂黼藻於當今徽策寵章播芳蕤於後葉故開府儀同三司

尚書左丞相集賢院學士知院事上柱國燕國公張說辰象降靈雲龍合契元和體其冲粹妙有釋其至蹟挹而莫測仰之彌高精義探繫表之微英辭鼓天下之動昔侍春誦綢繆歲華含春容之聲叩而盡應蘊泉源之智啓而斯沃授命與國則天衢以通濟用和民則朝政惟允司鈞揔六官之紀端揆為萬方之式方弘風緯俗返本於上古之初而邁德振仁不臻於中壽之福吁嗟不慙既喪斯文宣室餘談冷然在耳玉殿遺草宛畱其蹟言念忠賢良深震悼是使當宁撫几臨樂徹懸罷稱觴之儀邇往禋之禮可贈太師賜物五百段

按大唐新語說為麗正殿學士獻詩曰東壁圖書府西垣翰墨林諷詩聞國體講易見天心元宗深賞之按雲仙雜記張說攜麗正文章謁友生時正行宮中媚香號化樓臺友生焚以待說說出文置香上曰吾文享是香無忝

張均

按唐書張說傳說子均均亦能文自太子通事舍人累遷主爵郎中中書舍人開元十七年說授左丞相校京官考注均考曰父教子忠古之善訓王言帝載尤難以任庸以嫌疑而撓紀綱考上下當時亦不以為私後襲燕國公累遷兵部侍郎以累貶饒蘇二州刺史久之復為兵部侍郎自以己才當輔相為李林甫所抑林甫卒倚陳希烈冀得其處既而楊國忠用事希烈罷而均為刑部尚書坐貶貶建安太守還授大理卿居常歛望不平祿山盜國為僞中書令肅宗反正兄弟皆論死房琯聞之驚曰張氏滅矣乃見苗

晉卿營解之帝亦願說有舊詔免死流合浦建中初贈太子少傅子濛事德宗爲中書舍人

王濬

按舊唐書文苑傳王濬并州晉陽人少豪蕩不羈登進士第日以蒲酒爲事并州長史張嘉貞奇其才禮接甚厚濬感之撰樂詞以敘情於席上自唱自舞神氣豪邁張說鎮并州濬益至會說復知政事以濬爲祕書正字擢拜通事舍人遷駕部員外極多名馬家有妓樂濬發言立意自比王侯頗指儕類人多嫉之說既罷相出濬爲汝州長史改仙州別駕至郡日聚英豪從禽擊鼓恣爲歡賞文士祖詠杜華常在座於是貶道州司馬卒有文集十卷

劉知幾號子元名知幾以元宗諱嫌故以字行

按唐書本傳劉子元名知幾以元宗諱嫌故以字行年十二父藏器爲授古文尚書業不進父怒楚督之及聞爲諸兄講春秋左氏冒往聽退輒辨析所疑歎曰書如是兒何意父奇其意許授左氏論年遂通覽羣史與兄知柔俱以善文詞知名擢進士第調獲嘉主簿武后證聖初詔九品以上陳得失子元上書議每歲一赦或一歲再赦小人之幸君子之不幸又言君不虛授臣不虛受妄受不爲忠妄施不爲惠今羣臣無功遭遇輒遷至都下有車載斗量把推挽脫之諺又謂刺史非三載以上不可徒宜課功殿明賞罰后嘉其直不能用也時史橫酷淫及善人公卿被誅死者踵相及子元悼士無良而甘於禍作思慎賦以刺時蘇味道李嶠見而歎曰陸機豪士之流乎周身之道盡矣子元與徐堅元行沖吳兢等善嘗曰海內

知我者數子耳累遷鳳閣舍人兼修國史中宗時擢太子率更令介直自守累歲不遷會天子西還子元自乞留東都三年或言子元身史臣而私著述驛名至京領史事遷祕書少監時宰相韋巨源紀處訥楊再思宗楚客蕭至忠皆領監修子元病長官多意尚不一而至忠數責論次無功又仕偃蹇乃奏記求罷去因爲至忠言五不可曰古之國史皆出一家未聞藉功於衆唯漢東觀集傳纂述無主條章不建今史司取士滋多人自爲苟哀家自爲政駿每記一事載一言閣筆相視含毫不斷頭白可期汗青無日一不可漢郡國計書上太史副上丞相後漢公卿所撰先集公府乃上蘭臺故史官載事爲廣今史臣唯自詢采二史不注起居百家勿通行狀二不可史局深籍禁門所以杜顏面防請謁也今作者如林倘示褒貶曾未絕口而朝野咸知孫盛取嫉權門王劭見讎貴族常人之情不能無畏三不可古者史氏各有指歸故司馬遷退處士進姦雄班固抑忠臣飾主闕今史官注記類稟監修或須直辭或當隱惡十羊九牧其令難行四不可今監者不肯指授修者又不遵奉務相推避以延歲月五不可又言朝廷厚用其才而薄其禮至忠得書悵悵惜不許楚客等惡其言詆切謂諸史官曰是子作書欲致吾何地始子元修武后實錄有所改正而武三思等不聽自以爲見用於時而志不遂乃著史通內外四十九篇議評今古徐堅讀之歎曰爲史氏者宜置此坐右也又嘗自比揚雄者四雄好雕蟲小技老而爲悔吾幼喜詩賦而壯不爲期以述者自名雄準易作經當時笑之吾作史通俗

以爲愚雄著書見尤於人作解嘲吾亦作釋蒙雄少爲范滂劉歆所器及聞作經以爲必覆轡觀吾始以文章得譽晚談史傳由是減價其自感歎如此子元內負有所未盡乃委國史於吳兢別撰劉氏家史及譜考上推漢爲陸終苗裔非堯後彭城叢亭里諸劉出楚孝王酈會孫居巢侯般不承元王按據明審議者高其博嘗曰吾若得封必以居巢紹司徒舊邑後果封居巢縣子鄉人以其兄弟六人俱有名號其鄉曰高陽里曰居巢累遷太子左庶子兼崇文館學士皇太子將釋奠國學有司具儀從臣著衣冠乘馬子元議古大夫以上皆乘車以馬爲駢服魏晉後以牛駕車江左尚書郎輒輕乘馬則御史劾治顏延年罷官乘馬出入閭里世稱放誕此則乘馬宜從褻服之明驗今陵廟巡謁王公冊命士庶親迎則盛服冠履乘輅車他事無車故貴賤通乘馬比法駕所幸侍臣皆馬上朝服且冠履惟可配車故博帶衰衣革履高冠是車中服轍而銜跪而鞍非唯不師於古亦自取驚流俗馬逸人顛受嗤行路太子從之因著爲定令開元初遷左散騎常侍嘗議孝經鄭氏學非康成注舉十二條左證其謬當以古文爲正易無子夏傳老子書無河上公注請存王弼學宰相宋璟等不然其論奏與諸儒質辯博士司馬貞等阿意共黜其言請二家兼行惟子夏易傳請罷詔可會子元既爲大樂令抵罪子元請於執政元宗怒貶安州別駕卒年六十一子元領國史且三十年官雖從職常如舊禮部尚書鄭惟忠嘗問自古文士多史才少何耶對曰史有三長才學識世罕兼之故史者少夫有學無才猶愚

賈操金不能殖貨有才無學猶巧匠無榘桷斧斤弗能成室善惡必書使驕君賊臣知懼此爲無可加者時以爲篤論子元善持論辯據明銳視諸儒皆出其下朝有論者輒豫歿後帝詔河南就家寫史通讀之稱善追贈工部尚書諡曰文六子貺饒彙秩迅迴貺字惠卿好學多所通解子元卒有詔訪其後擢起居郎歷右拾遺內供奉獻續說苑十篇以廣漢劉向所遺而刊落怪妄貺嘗以竹書紀年序諸侯列會皆舉證後人追修非當時正史如齊人殲於遂鄭棄其師皆孔子新意師春一篇錄卜筮事與左氏合知按春秋經傳而爲也因著外傳云子滋浹

滋字公茂通經術喜持論以蔭歷進水令楊綰薦材堪諫官累授左補闕久之去養親東都河南尹李廙奏補功曹母喪解服除以司勳員外郎判南曹勸職奉法進至給事中興元元年以吏部侍郎知南選時大盜後旱蝗相仍吏不能詣京師故命滋至洪州調補以振職聞貞元二年擢左散騎常侍同中書門下平章事爲相無所設施廉抑畏慎而已明年罷又明年復爲吏部侍郎遷尚書會御史中丞韋貞伯劾奏吏選不實滋覆疏舛吏因得爲姦詔與侍郎杜黃裳奪階卒贈陝州大都督諡曰貞

浹亦有學稱生子敦儒家東都母病狂易非答掠人不能安左右皆亡去敦儒日侍疾體常流血母乃能下食敦儒怡然不爲痛隱留守韋夏卿表其行詔標闕於閭元和中權德輿復薦之乃授左龍武軍兵曹參軍分司東都在母喪毀瘠幾死時謂劉孝子後爲起居郎達禮好古有祖風云

餽字鼎卿天寶初歷集賢院學士兼知史官終右補闕父子三人更泄史官著史例頗有法

彙左散騎常侍終荆南節度使子贊以蔭仕爲鄆丞杜鴻漸自劍南還過鄆尉驛豐給楊炎薦彙名儒子擢浙西觀察判官炎入相進欽州刺史政幹疆濟野嫗將爲虎噬幼女呼號搏虎俱免觀察使韓滉表贊治有異行加金紫徙常州混輔政分所統爲三道以贊爲宣州刺史都團練觀察使治宣十年贊本無學第以剛猛立威官吏重足一迹宣旣富饒卽厚斂廣貢奉以結恩又不能訓子皆驕傲不度素業衰矣卒贈吏部尚書諡曰敬

迴以剛直稱第進士歷殿中侍御史佐江淮轉運使時新更安史亂迴餽運財賦力於職大曆初爲吉州刺史治行尤異累遷給事中

秩字祚卿開元末歷左監門衛錄事參軍事稍遷憲部員外郎坐小累下除隴西司馬安祿山反哥舒翰守潼關楊國忠欲奪其兵秩上言翰兵天下成敗所繫不可忽房琯見其書以比劉更生至德初遷給事中久之出爲閬州刺史貶撫州長史卒所著政典止戈記至德新議等凡數十篇

迅字捷卿歷京兆功曹參軍事常寢疾房瑄聞憂不寐曰捷卿有不諱天理歟矣陳郡殷寅名知人見迅歎曰今黃叔度也劉晏每聞其論曰皇王之道盡矣上元中避地安康卒迅續詩書春秋禮樂五說書成語人曰天下滔滔知我者希終不以示人云

孫遜成 公器

按唐書文藝傳孫遜博州武水人後魏光祿大夫惠

蔚其先也祖希壯爲韓王府典籤四世傳一子故無近屬父嘉之少孤依外家客涉鞏間垂拱初詣洛陽獻書不報第進士終襄邑令遜幼有文辭屬思敏警年十五見雍州長史崔日用令賦土火爐援筆成篇理趣不凡日用駭歎遂與定交舉手筆俊拔哲人奇士隱淪屠釣及文藻宏麗等科開元十年又舉賢良方正元宗御洛城門引見命戶部郎中蘇晉等第其文異等擢左拾遺張說命子均均往拜之李邕負才自陳州入計哀其文示遜李嵩鎮太原表置幕府以起居舍人入爲集賢院修撰時海內少事帝賜羣臣十日一燕宰相蕭嵩會百官賦天成元澤維南有山楊之華三月英英有蘭和風嘉禾等詩八篇繼雅頌體使遜序所以然改考功員外郎取顏真卿李華蕭穎士趙驊等皆海內有名士俄遷中書舍人是時嘉之且八十猶爲令遜求降外官增父秩帝嘉納拜嘉之宋州司馬聽致仕父喪闋復拜舍人開元間蘇頌齊辭蘇晉賈會韓休許景先及遜典詔詒爲代言最而遜尤精密張九齡視其草欲易一字卒不能也居職八年判刑部侍郎以病風乞解徙太子左庶子遂縣廢累年徙少詹事上元中卒贈尚書右僕射諡曰文諸子成最知名成字思退推蔭仕累洛陽長安令兄宿爲華州刺史因慘病瘠成請告往視不待報輒行代宗嘉其悽不責也稍遷倉部郎中京兆少尹爲信州刺史歲大旱發倉以賤直售民故飢而不亡再募增戶五千詔書褒美徙蘇州改桂管觀察使卒成通經術奏議據正嘗有葭喪弔者至成不易緣而見客疑之請故答曰緣者古居喪常服去之則廢喪也

今而巾幘失矣子公器亦至邕管經略使公器子簡字樞中元和初登進士第辟鎮國荆南幕府累遷左司吏部二郎中繇諫議大夫知制誥進中書舍人初遜掌諸至代宗時宿又居職逮簡凡三世會昌初遷尚書左丞建言班位以品秩爲等差今官兼臺省位置遷誤不可爲法元和元年御史臺白奏常參官兼大夫中丞者視檢校官居本品同類官上其後侍郎兼大夫者皆在左丞右丞上當時侍郎兼大夫少惟京兆尹兼之京兆尹從三品今位乃在本品同類官從三品卿監上太常宗正卿正三品下左丞乃正四品上戶部侍郎正四品下今戶部侍郎兼大夫當在本品同類正四品下諸曹侍郎上不宜居正四品丞郎上又右丞正四品下吏部侍郎正四品上今吏部侍郎位右丞之下蓋以丞有繩轄之重雖吏部品高猶居其下然則戶部侍郎雖兼大夫安得居其上哉今散官自將仕郎至開府特進每品正從有上中下名級各異則正從上下不得謂之同品京兆河南司錄及諸府州錄事參軍事皆操紀律正諸曹與尚書省左右丞紀綱六曹略等假使諸曹掾因功勞加臺省官安得位在司錄錄事參軍上且左丞糾射八坐玉省內禁令宗廟祠祭事御史不當得彈奏之良以臺官所奏拘牽成例不揣事之輕重使理可循雖無往比自宜行之否者號曰舊章正可改也武宗詔兩省官詳議皆從簡請歷河中興元宣武節度使檢校尚書右僕射東都留守而弟範亦爲淄青節度使世推顯家

按舊唐書文苑傳遜有集三十卷子宿絳成逃弟適

邁造通終左武衛兵曹宿歷河東掌記代宗朝歷刑部郎中中書舍人出爲華州刺史卒成字思退以父蔭累授雲陽長安尉歷監察御史轉殿中隴右副元帥本抱玉奏充掌書記入爲屯田司勳二員外郎丁母喪免終制出爲洛陽令轉長安令時兄宿爲華州刺史因失火驚懼成瘡病成素孝悌蒼黃請急不俟報而趨華代宗嘉之歎曰急難之切觀過知仁歷倉部郎中京兆少尹出爲信州刺史有惠政郡人請立碑頌德優詔褒美轉蘇州刺史貞元四年改桂州刺史桂管觀察使五年卒宿子公器官至信州刺史邕管經略使公器子簡範並舉進士會昌後兄弟繼居顯秩歷諸道觀察使簡兵部尚書子紆徽並登進士第

賀知章

按唐書本傳賀知章字季真越州永興人性曠夷善談說與族姑子陸象先善象先嘗謂人曰季真清談風流吾一日不見則鄙吝生矣證聖初擢進士超拔羣類科累遷太常博士張說爲麗正殿修書使表知章及徐堅趙冬曦入院撰六典書累年無功開元十三年遷禮部侍郎兼集賢院學士一日併謝宰相源乾曜語說曰賀公兩命之榮足爲光寵然學士侍郎孰爲美說曰侍郎衣冠之選然要爲具員吏學士懷先王之道經緯之文然後處之此其爲間也元宗自爲贊賜之遷太子右庶子充侍讀申王薨詔選挽郎而知章取舍不平蔭子喧訴不能止知章梯牆出首以決事人皆斬之坐徙工部肅宗爲太子知章遷賓客授祕書監而左補闕薛令之兼侍讀時東宮官積

年不遷令之書壁望禮之薄帝見復題聽自安者令之卽棄官徒步歸鄉里知章晚節尤誕放遨嬉里巷自號四明狂客及祕書外監每醉輒屬辭筆不停書咸有可觀未始刊飭善草隸好事者具筆研從之意有所愜不復拒然紙纔十數字世傳以爲寶天寶初病夢遊帝居數日寤乃請爲道士還鄉里詔許之以宅爲千秋觀而居又求周宮湖數頃爲放生池有詔賜鏡湖剡川一曲旣行帝賜詩皇太子百官餞送擢其子僧子爲會稽郡司馬賜緋魚使侍養幼子亦聽爲道士卒年八十六肅宗乾元初以雅舊贈禮部尚書令之長谿人肅宗亦以舊恩召而令之已前卒按舊唐書文苑傳開元十三年元宗封東嶽有詔應行從羣臣並留於谷口上獨與宰臣及升壇行事官登於嶽上齋宮之所初上以靈山清潔不欲喧繁召知章講定儀註因奏曰昊天上帝君位五方諸帝臣位帝號雖同而君臣異位陛下享君位於山上羣臣祀臣位於山下誠足垂範來葉爲變禮之大者也然禮成於三獻亞終合於一處上曰朕正欲如是故問卿耳於是勅三獻於山上行事五帝及諸神座於下壇行事知章卒肅宗以侍讀之舊乾元元年十一月詔曰故越州千秋觀道士賀知章器識夷淡襟懷和雅神清志逸學富才雄挺會稽之美箭蘊崑岡之良玉故飛名仙省侍講龍樓常靜默以養閑因談諧而諷諫以暮齒辭祿再見款誠願追二老之蹤克遂四明之客允叶初志脫落朝衣駕青牛而不還狎白衣而長往丹壑非昔人琴雨亡惟舊之懷有深追悼宜加緼禮式展哀榮可贈禮部尚書先是神龍中知